



Broj: 08-04-11.2-2-1484/23

Datum: 25.09.2023. godine

Na osnovu člana 64. stav (1) tačka b), člana 70, stav (1), (3) i (6) i člana 89. Zakona o javnim nabavkama („Službeni glasnik BiH“ broj 39/14 i 59/22); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-1484/23 od 19.09.2023. godine, u postupku javne nabavke kancelarijskog namještaja, ministar donosi:

ODLUKU o izboru najpovoljnijeg ponuđača

Član 1.

Prihvata se prijedlog Komisije za javne nabavke broj: 08-04-11.2-2-1484/23 od 19.09.2023. godine i dodjeljuje se ugovor ponuđaču „Inter-Com“ d.o.o. Zenica, Vrandučka 71b, 72000 Zenica u postupku javne nabavke kancelarijskog namještaja, objavljenog na Portalu javnih nabavki broj 1111-7-1-35-3-31/23 od 05.09.2023. godine.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-1484/23 od 04.09.2023. godine, MUP TK-a je pokrenulo postupak konkurentskog zahtjeva za dostavu ponuda za nabavku kancelarijskog namještaja. Na Portalu javnih nabavki objavljeno je Obavještenje o javnoj nabavci broj: 1111-7-1-35-3-31/23 od 05.09.2023. godine.

Do krajnjeg roka za prijem ponuda koji je bio 18.09.2023. godine do 11:00 sati, zaprimljene su ponude sljedećih ponuđača: „Protim“ d.o.o. Sarajevo, „Larix“ d.o.o. Doboje, „R&S“ d.o.o. Sarajevo, „Inter-Com“ d.o.o. Zenica, „Jelovica“ d.o.o. Tuzla i „Hafele BH“ d.o.o. Gračanica.

Na osnovu Zapisnika komisije o pregledu i ocjeni ponuda broj: 08-04-11.2-2-1484/23 od 19.09.2023. godine izvršena je analiza ponuda pri čemu je utvrđeno da su ponude ponuđača: „Protim“ d.o.o. Sarajevo, „Larix“ d.o.o. Doboje, „R&S“ d.o.o. Sarajevo, „Inter-Com“ d.o.o. Zenica i „Hafele BH“ d.o.o. Gračanica, prihvatljive za ugovorni organ dok se ponuda ponuđača „Jelovica“ d.o.o. Tuzla odbija kao nepravilna.

Pri analizi dostavljene ponude ponuđača „Jelovica“ d.o.o. Tuzla broj 18-9/23 pri analizi Aneksa 8 na strani 25 numerisanoj od strane ponuđača je utvrđeno da ista nije parafirana od strane ponuđača a što je ponuđač bio u obavezi imajući u vidu odredbu tačke 4.14 (nacrt ugovora) tenderske dokumentacije MUP TK-a („ Ponuđači su dužni uz ponudu

dostaviti potpisan nacrt ugovora te su dužni parafirati sve listove dostavljenog nacrta ugovora.“).

Na osnovu naprijed navedenog ponuda ponuđača nije pripremljena u skladu s tenderskom dokumentacijom (tačka 4.14) te je ponuda ponuđača odbačena kao nepravilna.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda u početnoj ocjeni ponuda, te je zakazala početak e-aukcije u sistemu e-nabavke za dan 21.09.2023. godine u 13:00 sati, u trajanju od 10 minuta.

Po zaprimljenom Izvještaju o toku i završetku e-aukcije završene 21.09.2023. godine, Komisija je nastavila sa radom 25.09.2023. godine u 13:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

Red.broj	Naziv ponuđača	Konačna cijena u KM bez PDV-a	Rang
1.	“Inter-Com” d.o.o. Zenica	15.574,00	1
2.	“R&S” d.o.o. Sarajevo	15.600,00	2
3.	“Protim” d.o.o. Sarajevo	18.300,00	3
4.	“Hafele BH” d.o.o. Gračanica	23.840,00	4
5.	“Larix” d.o.o. Doboj	25.640,00	5

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku kancelarijskog namještaja dodijeli ponuđaču „Inter-Com” d.o.o. Zenica, Vrandučka 71b, 72000 Zenica, s obzirom da je isti dostavio prihvatljivu ponudu s najnižom cijenom u iznosu od 15.574,00 KM bez PDV-a, odnosno 18.221,58 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 5 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđačima
- a/a

